

کریہر کے شعر تریاکے بارہ ہند

کریہر گھر: نوروز علی ثابتے

کریہ جاگہ: فہس بوک، بینک دل اند

کریہر تاریخ: ۰۸ فیبروری ۲۰۲۴ تا ۱۲ فیبروری ۲۰۲۴

کریہرین: ذیس نفر، تر ثابتے بیٹ ذیس ات بیو

دے کریہر محصول: ۵۱ بیت (یے قصیدہ خو پاڈ تے)

شاعرین سہمیہ:

امیر محمد رحیمے: ۱۳ بیت (۲۵/۴%)

امان اللہ پامیرے: ۱۳ بیت (۲۵/۴%)

نوروز علی ثابتے: ۹ بیت (۱۷/۶%)

معینہ مستور مولایے: ۴ بیت (۷/۸%)

گل نظر فرہاد: ۴ بیت (۷/۸%)

میر مست میرزاد: ۲ بیت (۳/۹%)

گل نظر مبارز: ۲ بیت (۳/۹%)

غازے بیک وارستہ: ۱ بیت (۱/۹%)

خالد ار ناصرے: ۱ بیت (۱/۹%)

بخت بیک میرزادہ: ۱ بیت (۱/۹%)

سید اسحاق مقبل: ۱ بیت (۱/۹%)

نوروز علی ثابتے دسگہ سر چود:

پے آسمونبُخ سفیدج نُر مہش فُغون، اس دستے تریاکے

قرادھر الامون لوقبت، امون اس دستے تریاکے

نہ غہٹخ ربت نہ مال ربت نہ زمخ ربت چب ات کاسہ

بہ تہنگ یتچ نُر فکت جا یم جھون، از دستے تریاکے

خالد ار ناصر ے:

دے ذید رَنَدک خو، لو گَھرت گُلک یکسر وے پاذبِن ارد
چچھپچِن خبذ درون لُتَقَت پَلون، اس دستے تریاکے

امیر محمد رحیمے:

ھزار فعل آت فِنون دِبُونَد، دروغ لوقدبِن فکث اُخمہند
یدبِت لوقھم فرادھر، الامون اس دستے تریاکے

معینہ مستور مولایے:

فضا انجوقجے تریاک بوی، امبیش بوی تُر ببذِن
تو چس سبزہ گہ مس باغ ارد پنھون، اس دستے تریاکے
دگہ مُلک اند وے مردم اس زمیند تیزد تا مریخ
نہ پیر فہرذد خو کھل سبنتت جوون، اس دستے تریاکے

میر مست میرزاد:

ھم اس خا تہ خو قومبِن خفت، هرچیز تھم وے ترگیر ذند
نہ ربذ ژیفبِن درون یارج تر زدون، اس دستے تریاکے
فکث خورنُونے نوم بھدت، پخالبن گھبچ مھش رھنگبِن
خنور ببذج اس آرخت اند تا ربنسون، اس دستے تریاکے

گل نظر فرھاد:

نرپد مال تر غجیدت، خالے سَت وانبجیش زمستونند
جمہتببِن فکث سیخ لالہ وون، اس دستے تریاکے

بخت بیک میرزادہ:

خرہنگ فذج نوم خرنون رق مے ملک اند اس قدیمپنٹ
نرید مہش ارد ہچٹ نوم ات نینون، اس دستے تریاکے

امان اللہ پامبرے:

قرادت داد، یخت نہن ات رزینپن، خپس اتہ قومپن
فکٹ ذپون چے سبت، وز مس «امون»، اس دستے تریاکے

نوروز علی ثابتے:

مدومہم سرفراز قد تر فکٹ شورا یتہ محفل
نریدج زہرہ فکھم سخ ناتوون، اس دستے تریاکے
دے دپذے تر چدپن، امچ ذید دم سبیل بوی گہ
نریدج پاک دوسکٹ جای ات مکون، اس دستے تریاکے

سید اسحاق مقبل:

بشہند خرنون پذد اس دست افیون، ای رفیقپن نر
فکٹ مردم خہ ذاذج شیچ در فغون، اس دستے تریاک

نوروز علی ثابتے:

نہ تنہا خو جمہتپنے بہ زحمت چورج بنب تا مپٹ
فکٹ ناسایینپن ہمسایہ گون، اس دستے تریاکے

معینہ مستور مولایے:

یے کھل دبنمن تہ مہش زیننت یے کھل تریاک اتہ پودر
فکٹ چیز در خطر ذاذجت زیون، اس دست تریاکے

امان اللہ پامبرے:

یو یُخْ چوہنتے وے داد پرذادے فک چیز وم تے بی لِنخ سْت
غَمَت زقتاو سفید چود تیز وے بون، اس دستے تریاکے
قراد لودے قرادرد بھس کے مہ تھڑ دم نہ رپذج ابروی
خو زیداو جہت تہ سود فہنس ارد گنبون، اس دستے تریاکے
رزین بَخ نازیون فِد و ہغد، پُفین وم غنْف درون اند دُ
دے تیر تریاکے سود یہ نازیون، اس دستے تریاکے

گل نظر فرہاد:

پُفین وَہذ تر پرا دُ، ترزبا و ہف خُہغ اچت گیر نست
نفس قَیت سود خو، نید آدم خو جون، اس دستے تریاکے
دے مس لہک، وَم نشہندیر وَہذ فکت گھپ اس سیاست ذہن
دے جہت سُدج مَسقرہ نومت ننبون، اس دستے تریاکے

غازے بیک وارستہ:

مے مہش مُلک اند مے قانونت حکومت کار اِکد تریاک
قچاق بپداو تے نست دپقند پلون، اس دستے تریاکے

گل نظر فرہاد:

لشک مَبس، ژندمت مَبوُخ، پگایٹ توید تریاک تیر
غرمبہ مس نذاد تا خیر چزون، اس دستے تریاکے

نوروز علی ثابتے:

نہ پیر رپدت، نہ شاہ یت خون، نرپدین بیک اتہ میر مس
نہ در درواز، خرنون ات وَخون، اس دستے تریاکے

نرېد میراث پُخ اړدَت، خوبث وېقند کفهن مس نِسْت
 رِزین څیمېن پُر اس یوینک خونچکون، اس دستے تریاکے
 حکومت مس نه انجېقد سَخْت، مَه وېذېن دم کوکنار
 فُکېن قاچاقیرېن څرنون روون، اس دستے تریاکے
 خوبث څرد پول جهمېن ات، دے مهش مردم تے دُد پرذېن
 لېپن سیخ مردمېن بی خوئمون، اس دستے تریاکے

معینه مستور مولایے:

نه بنهب خلق څېم درون خودمَت نه مېث قهرذېد کار چیداو
 پے بناجت وئس همېبنهت هر زمون، اس دستے تریاکے

امان الله پامبرے:

قراد ین لود خو چار اُرد: تُند اه چارک حق مے چیدند نِسْت؟
 نه یتېن جور، جدا ست یه څیون، اس دستے تریاکے
 رِنَت اولاد خو دور تیر قهپے وېذت، گبنتے یو پرذاد
 کلول مرخونجے چورج وېف، لو جگون، اس دستے تریاکے
 نه رېد مال ات ستور، زریات شلک، کهلندے یه نهن دَنخ
 نه قهرذېد زئرد وے سر ارزوندے سون، اس دستے تریاکے
 یے چیز چید اند نه رېد، بیو بیو گه پرذاذېن کتابین ست
 امیر حمزَهت، پنج گنج ات فُرون، اس دستے تریاکے
 دے ست پېدا سبیلماونته، دَرَو افیونے چود گولے
 پُلک کهدند وزود ات دُد روون، اس دستے تریاکے
 وْمېن قودت کرئېنتېن باجکت مېوُخ خو مرکهب تیر
 جمهت مرخونج اته پرغُستے خون، اس دستے تریاکے
 څه وینچم وز نه قهرذاذجُم جسم «پامبرے» تر وېقُهج

همبڻه مهش زمبڻن جهت ته خورنڻن رهنڱتے قهغڻن دهذ
نه ڀمگون رڀد، نه منجون ات گرون، اس دستے ترياکے!

گل نظر مبارز:

مو خرنون نوم پے مريخڻ بلند فُد دُونش ات علم اند
ولي افسوس! نخبنتت داد چے زون، اس دستے ترياکے
درخت ات زمخ اته باغڻن، خبيثڻن دُتے يکسر داد
فُرات مبر لهک، نه ذابنخ رڀدت نه وون، اس دستے ترياکے

امان الله پامبرے:

رَمبث خوند پيذ ته تاژد، پف کڻت پے تير لو ابرے تر چيد دڀج
نه سواد روز ات وذوم وينچ، دسگه: اون، اس دستے ترياکے
ابنزد کهند اس وے دُتے، کهند پفت اته، يه کهند گه يوزة سواد
چلم فُج تا درون تئر يوزة دون، اس دستے ترياکے